

Arkiv: <arkivID><jplD> FA-C0, FE-223
JournalpostID:
Saksbehandlar:
Dato: 24.08.2020

Saksframlegg

Saksnr.	Utvalg	Møtedato
046/20	Utval for oppvekst, kunnskap og kultur	01.09.2020
088/20	Alver kommunestyre	17.09.2020

Driftstilskot til lag, organisasjonar og institusjonar som gjennom sitt verksemd/aktivitet har ekstraordinær kommunal/lokal/regional verdi

Rådmannen sitt framlegg til vedtak:

Alver kommune godkjenner ordning med driftstilskot til lag, organisasjonar og institusjonar som gjennom sitt verksemd/aktivitet har ekstraordinær lokall verd.

Ordninga trer i kraft første gong i 2022, med søknadsfrist 01. mars 2021.

Det er den til ein kvar tid gjeldande budsjett som avgjer ramma for ordninga

Statuttar for tildeling av fast, kommunal driftstilskot vert vedteken slik det går fram av saka.

Utval for oppvekst, kunnskap og kultur 01.09.2020:

Behandling:

Utvalet fekk den 01.09.2020 ettersendt tilleggssinnspel i saka frå Alver Idrettsråd.
Orientering i saka v/Eirik B. Utne-kultursjef
Rådmannen sitt framlegg vart samrøystes vedteke.

OKK- 046/20 Vedtak:

Innstilling i OKK - 01.09.2020:

Alver kommune godkjenner ordning med driftstilskot til lag, organisasjonar og institusjonar som gjennom sitt verksemd/aktivitet har ekstraordinær lokall verd.

Ordninga trer i kraft første gong i 2022, med søknadsfrist 01. mars 2021.

Det er den til ein kvar tid gjeldande budsjett som avgjer ramma for ordninga

Statuttar for tildeling av fast, kommunal driftstilskot vert vedteken slik det går fram av saka.

Alver kommunestyre 17.09.2020:

Behandling:

Framlegg frå L.Taule-SP:

Saka vert utsett

Framlegget vart samrøystes vedteke.

KO- 088/20 Vedtak:

Saka er utsett

Politisk handsaming

Saka skal til innstilling i utval for oppvekst, kunnskap og kultur

Saka skal avgjerast i Kommunestyret

Bakgrunn

Utval for oppvekst, kunnskap og kultur behandla sak om «fast tilskot til lag/organisasjonar» sak 024/20, i møte 09. juni d.å. Saka blei lagt ut på høyring.

OKK- sak 024/20, vedtak:

Sak om kommunal driftstilskot til lag/foreiningar i Alver kommune, vert lagt ut til offentleg høyring. Høyringsperiode er sett til 6 veker.

Saksopplysningar:

Sak om faste tilskot til lag/organisasjonar har vert på høyring 29.06. Frist blei sett til 20. august grunna sommarferie.

Det er kome inn 7 innspel ved høyringsfrist 20.08.

- Manger Musikklag v/leiar Nils-Arne Træland
- Eikanger-Bjørsvik musikklag v/Stig Ryland
- Styret stiftinga Lyngheisenteret
- Lyngheisenteret/Museumssenteret i Hordaland v/Torhild Kvingedal
- Styret i Stiftinga Tjorehagen
- Vestnorsk utvandringssenter/Museumssenteret i Hordaland
- Knarvikmila/AKS 77
- Alver kulturråd

Manger musikklag – 19.08.20

Manger musikklag (MML) støtta forslag om fast kommunal driftstilskot. Dette vil gje MML ein økonomi som er føreseieleg. MML peikar vidare på at ein ikkje har fast tilhaldsstad/øvingslokale slik t.d. Eikanger-Bjørsvik musikklag har, noko som medfører ein del ekstra kostnad. MML ber om at dette blir teke omsyn til i vidare vurdering.

MML har fått fast, årleg tilskot frå Radøy kommune.

Eikanger-Bjørsvik musikklag – 20.08.20

Eikanger-Bjørsvik musikklag (EBML) støtta forslag om innføring av fast, kommunal driftstilskot til lag/organisasjonar som står fram som fyrårn innan sitt felt.

EBML har ein omsetnad på 2,5 mill årleg. Eit fast driftstilskot vil gjere økonomien meir føreseieleg.

Styret i Stiftinga Lyngheisenteret

Styret i Stiftinga Lyngheisenteret skriv m.a. i si høyringsuttale at eit fast driftstilskot gir føreseielege rammer og bidreg til at det vert enklare å vidareutvikle seg som ein læring, kunnskap, opplevingsarena og merksemd, særleg lokalt men også nasjonalt og internasjonalt.

Lyngheisenteret/Museumssenteret i Hordaland v/avdelingsleiar Torhild Kvingedal – 17.08.20

Lyngheisenteret (LHS) synes det er eit godt tiltak at Alver kommune opnar for at viktige kulturinstitusjonar kan få moglegheit til å søkje om fast driftstilskot.

Ei kommunal driftsstøtte kan vera med på å gjera det enklare å få løyse ut midlar frå andre finansieringskjelder som krev eller har ynskje om at kommunen er inne og støttar organisasjonen.

Styret i Stiftinga Tjorehagen, 19.08.20

Det er eit viktig forslag frå den nye kommunen at kulturinstitusjonar kan få høve til å søkja om fast driftstilskot. For Tjorehagen betyr det mykje å få ei driftsstøtte årleg. Det vil kunne gje betre moglegheit for langsiktig planlegging og kommunal støtte kan vere med å gjere at ein kan få støtte gjennom andre finansieringsordningar til ulike investeringar.

Stiftinga Tjorehagen fekk innvilga driftsstøtte frå Radøy kommune i 2017, 2018 og 2019. Det var og lagt inn i budsjettet for Radøy kommune på driftstilskot på kr 50.000 pr år i støtte for 2020 og 2021.

Vestnorsk utvandringssenter / Museumssenter Hordaland – 20.08.20

For Vestnorsk utvandringssenter, MUHO, har det vore særskild viktig og verdifullt å ha årleg og fast tilskot frå Radøy kommune, og er avgjerande for drifta av Utvandringssenteret. Det har gjeve oss ein stabilitet og høve for kontinuitet og langsiktig planlegging.

Knarvikmila/AKS 77 – 19.08.20

Vi i Knarvikmila vil igjen uttrykke kor viktig det er for stifting at vi mottar eit fast økonomisk driftstilskot.

Det gjev oss nødvendig forutsigbarhet for å kunne arrangere eit flott arrangement kvart år.

Alver kulturråd – 20.08.20

Alver kulturråd ønskjer ei føreseieleg og heilskapleg tilskotsordning som er enkel å handsame. Det må vere enkelt både for søkjarar, sakshandsamarar og politiske beslutningstakarar. Samstundes er det viktig at tilskotspolitikken stimulerer til rekruttering og kompetanseheving lokalt.

Ei fast tilskotsordning vil vere synleg og berekraftig kulturpolitikk. Og særskilt viktig blir dette når det gjeld faste tilskot til aktørar av nasjonal kvalitet, og jamvel aktørar med solid europeisk omdøme. Ein må ha brei og kontinuerleg debatt kring framtidige kandidatar som skal vurderast til fast tilskot.

Når det gjeld kva for lag/foreiningar i Alver kommune som kan kome inn under ordninga så meiner Alver kulturråd at Manger Musikklag, Eikanger Bjørsvik Musikklag og Knarvikmila AKS 77er gode kandidatar.

Saksutgreiinga nemner forslag på tilskot til nokre av musea i kommunen. Alver kulturråd meiner at fast tilskot til musea treng ein snarleg gjennomgang grunna talet på kulturinstitusjonar som kan vere aktuelle. Dette må sjåast i samanheng med eventuell tilskot som gjevast til aktivitetar i både Museumssenteret i Hordaland, til Museum Vest, til private og offentlege samlingar.

Alver kulturråd forstår at det er «dei frivillige fyrtårna» som er på agendaen. Men Alver kulturråd vil nemne fast tilskot til Alver kulturråd og Alver Idrettsråd som ei sak som har vore snakka om i lang tid. Støtta til kulturråd og idrettsråd bør vere ei fast løyving utanom

kulturmidlane. Det vil gjere arbeidet i dei to råda meir føreseieleg. Løyvinga til dei to råda bør i utgangspunktet vere lik. Merk at dette er eit innspel som ikkje har vore til felles debatt i dei to råda.

Kommentar: Idrettsråd og kulturråd har denne ordninga, eller tilsvarande opplegg, nemnd i avtalane sine. Vi har allereie forplikta oss til årleg tilskot der, og desse kan forvaltaast innan denne ordninga

Vurdering

Dei som har respondert med høyringsuttale, trekk fram behov for stabilitet, kontinuitet, langsiktig planlegging og føreseielege rammer.

Nokre trekk fram at ei kommunal driftsstøtte kan vera med på å gjera det enklare å få løyse ut midlar frå andre finansieringskjelder som krev eller har ynskje om at kommunen er inne og støttar organisasjonen.

Strategisk planarbeid vil vere viktig for å oppnå gode resultat i dette arbeid, slik at politiske prioriteringar kjem fram gjennom støtteordninga.

Statuttar for Driftstilskot til lag, organisasjonar og institusjonar som gjennom sitt verksemd/aktivitet har ekstraordinær kommunal/lokal/regional verd

Alver kommune lyser ut midlar til driftstilskot til verksemdar innan kultur og idrettsfeltet som har ei monaleg verdi for kulturlivet i kommunen/regionen, som inneber Alver kommune lyser ut midlar til driftstilskot til verksemdar innan kultur og idrettsfeltet som inneber kommune/femnande/regional aktivitet og/eller verdi.

Søknadsfristen er 01. mars. Saka skal behandlast i arbeid med økonomiplan.

Tilskotsordninga gjeld driftstilskot for 2022 og vidare, og tildelingane vert avgjort i økonomiplan og budsjettvedtak i 2021.

Tilskot til drift er kommunen sitt viktigaste bidrag til finansieringa av kulturlivet og skal såleis fremje eit aktivt og allsidig kunst- og kulturliv i Alver. Kvar tildeling skal grunngjevast med klar forankring i dei lokale politiske målsettingane på kulturområdet. Grunngjevinga skal vere tydeleg formulert og tilgjengeleg, både internt og for allmenta.

Kven kan søke

Aktørar innan kunst-, kultur-, friluft- og idrettsfeltet i Alver kommune. Dette gjeld også dei som har hovudkontor eit anna stad enn i Alver, men som driv sin verksemd i kommunen.

Verksemda skal vere ideell (ikkje-kommersiell), ha eit tydeleg føremål innan kunst, kultur og idrett og ha sterk verdi, det vil seie verdi for heile eller større deler av Alver kommune/Vestland.

Kva kan ein få støtte til

Driftstilskot er ikkje knytt til eit særskilt tiltak/prosjekt, men gjeld verksemda som heile. Det er knytt til verksemda sine vedtekne føremål og planar og grunngjeve ut frå dei politiske

målsettingane på feltet.

Tilskotet har eit langsiktig, strategisk preg og går som hovudregel til varige føremål. I dette ligg at verksemda har ei tyding for kulturlivet, som inneber at Alver kommune – ut frå vedtekne kulturpolitiske målsettingar – bør medverke økonomisk til drifta.

Kommunalt driftstilskot vil først og fremst rette seg mot kommunefemnande verksemdar/aktørar. Dette omhandlar verksemdar/aktørar både innan det frivillige og profesjonelle kultur- og idrettsfeltet.

Rapportering

Lag/organisasjonar og institusjonar som mottok driftstilskot, skal rapportere på drifta i påfølgjande år etter dei har mottoke støtte, og innan 01. mars. Ved rapporten skal det ligge føre godkjend årsmelding og rekneskap.

Om ikkje rapport blir levert, vil ein ikkje bli vurdert til vidare tilskot.

Vedlegg i saken:

21.08.2020	Høyringsuttale Alver Kulturråd	1434035
21.08.2020	Høyringsuttale Knarvikmila AKS 77	1434037
21.08.2020	Høyringsuttale Eikanger Bjørsvik musikklag	1434036
21.08.2020	Høyringsuttale Lyngheisenteret Museumssenter i Hordland	1434038
21.08.2020	Høyringsuttale Manger musikklag	1434039
21.08.2020	Høyringsuttale Stiftinga Tjorehagen	1434040
21.08.2020	Høyringsuttale styret i Stiftinga Lyngheisenteret	1434041
21.08.2020	Høyringsuttale vestnorsk utvandringssenter Museumssenter Hordaland	1434042
31.08.2020	Høyering - Kommunalt driftstilskot til lag/foreingar i Alver kommune	1438246